

Бекітемін: *Асан*
«Күншуақ» жекеменшік
бөбекжай-бақшасы»
әдіскері: Жақсылықова А.Ә.

«АЛТЫН ЖҮРЕКТІ - АНАМЫЗ»

(« Алтамыс » тобының ұйымдастырылған аналар сайысы)



Тәрбиешілер: Утеуова. М.

Байбақова.Ж.

Таушық ауылы, 05.03.2025

Тақырыбы: «Алтын жүректі анамыз! »

Мақсаты: Халқымыздың ізгі қасиеттері имандылық, инабаттылық, іскерлік негізінде тәрбиелеп, ана өнегесінен үлгі алуға, тәрбиелік мәні бар салт – дәстүрлерді бойына сіңіруге баулу. Болашақ қыздарымыздың тәрбиелі, өнерлі, анасына қолғанат, үлкенді сыйлап, кішіні құрметтейтін қайсар қыздарын тәрбиелеп отырған мейірімді ата-аналардың қыз бен ана арасындағы парасатты тәрбиені насихаттау.

Тәрбиеші:

Ана-өмір қолдаушысы әлемнің,

Шаңырақтың шаттығы мен шуағы.

Сейілмесін жанарынан ананың,

Тіршілікке төккен нұрлы шуағы.

Аялайық аналарды әрдайым,

Қуанышқа бөлейікші өздерін.

Әжелер мен аналардың, қыздардың,

Мұң шалмасын күлім қаққан көздерін.

Ана – барлық өмірдің бастауы. **Ана** – ол перзентті өмірге әкеледі, оны тәрбиелейді, өсіреді. Адам бойындағы барлық қасиет күннің нұрынан, ананың ақ сүтінен дариды. **Ана** – ұлы тұлға! **Ана** – құдіретті жан! **Ана**- өмір бұлағы! **Ана**- тіршілік көзі! Ендеше, бүгінгі мерекелеріңіз құтты болсын, құрметті де аяулы, асыл Аналар! Сіздерге зор денсаулық тілейміз. Олай болса, бүгінгі «Алтын жүректі - Анамыз! » атты мерекелік сайыс ертеңгілігімізді ашық деп жариялаймыз!

«Алпамыс» тобының бүлдіршіндерін «Құттықтаймын Мама» әнімен қарсы алыңыздар.

(Әсем әуен ырғағымен, әсем бүлдіршіндер ортаға келіп әндерін орындайды).

Тәрбиеші:

Орасақ та жәннат ішік, құндызға,

Баласақ та айға, күнге, жұлдызға,

Ана соның бәрінен де ардақты,

Одан асқан құдірет жоқ ұл – қызға-дей келе мерекелік ертеңгілігіміздің шымылдығын балабақшамыздың басшысы Алмагүл Ерболатқызына құттықтау сөз кезегін береміз.

Құттықтау сөз: Балабақша басшысы - Баянова Алмагүл Ерболатқызына беріледі.

Тәрбиеші:

Ана дейміз бәрімізде аңқылдап,
Ана дейді жас сәбиде жарқылдап.
Ана деген – бәйтерегі өмірдің,
Ана деген – алтын қазық, алтын бақ, - демекші бүгінгі ертеңгілігіміз ерекше болмақ.
«Алтын жүректі- Анашым» атты сайысымызды бастаймыз. Бүгінгі сайыскер аналар мен кішкене аруларды қол соғып ортаға шақырамыз.

Тәрбиеші:

Еңбексүйгіш, ерінгенге жаны қас,
Бір айтқанды екі істеп сабылмас.
Ашық қабақ, күлім көзді ару қыз,
Ақнәзіктей сүйкімді қыз табылмас-деп Нұрсерікқызы Ақнәзік аруымызды анасы Гүлнарды ортаға шақырамыз.

1. қатысушы: Ақнәзік анасы Гүлнармен қарсы алыңыздар.

Тәрбиеші:

Ұстазын анасындай құрметтеген,
Жаны таза, ісі жоқ дүрмекпенен.
Айнара біздің апайының қолғанаты,
Бойында тек жақсылық бір кетпеген- деп Сүйіндік Айнара анасы Араймен қарсы алыңыздар.

2. қатысушы: Сүйіндік Айнара анасы Араймен..

Тәрбиеші:

Бәріміз жақсы көретін
Анасын әркез сүйетін
Келесі біздің Айғаным
Сайыста сынға түсетін – деп Орынбек Айғаным анасы Фатима бірге ортаға шақырамыз.

3. қатысушы: Орынбек Айғаным анасы Фатима

Тәрбиеші:

Әділдікпен бұл сайысты байқайтын,
Туралықтан ешқашанда қашпайтын
Сайысқа төрелік етіп, саралайтын
Әділ қазылар алқасын тағайындайын.
(Әділ қазылар алқасы тағайындалады.)

Әділ қазы төрайымы:

Балабақша басшысы : Алмагүл Ерболатқызы

Балабақша әдіскері: Айгүл Әлиасқарқызы

Жеребе арқылы жұптардың реттік нөмірі анықталады.

Тәрбиеші: Ең алдымен сайысымыздың бөлімдерімен таныс болыңыздар.

Сайыс 4 бөлімнен тұрады:

- 1.«Сәлем-сөздің анасы»! (Таныстыру)
- 2.Бұрымды ару. (шаш өру)
- 3.Білімдіге дүние жарық» (сұрақ-жауап)
4. « Ас адамның арқауы».

Тәрбиеші:

Өнер қуып бар жұптар өтер дейміз,

Бір басына өнері жетер дейміз.

Сайысқа келген жұптар кезектесіп,

Таныстырып өздерін өтсе дейміз.

1.Бөлім: «Сәлем сөздің анасы» Таныстыру.

Тәрбиеші:

Ана деген – жарық жұлдыз шырағың

Ана деген – қайнар ыстық бұлағың

Ана деген – өмірдегі қамқорың,

Ана деген – сүйенерің, жан құрбым.-деп « Алпамыс» тобының ұл -қыздарын « кәмпиттер» биімен қарсы алыңыздар.

Би: «Кәмпиттер»

Тәрбиеші: Қазақ халқымыздың тәрбиесінде аналарымыз қыздарымызды сыпайылыққа, жарасымды мінез-құлыққа тәрбиелеген. Дөрекілікке, менменшілдікке, әдепсіздікке барудан сақтап отырған.Қазақтың тоқсан ауыз сөзі мақал-мәтелдер мен өсиеттерін үйретіп, тәрбиелі, инабатты қыз боп өсіп жетілуіне аса мән берген екен. Олай болса,келесі кезекті «Білімдіге –дүние жарық» тақырыбымен сұрақ-жауапқа береміз.Мұндағы сұрақтар ана мен қызы арасындағы тәрбиеге байланысты мақал-мәтелдер мен жұмбақтар боп келеді.

2 .Бұрымды ару. (шаш өру)

Білектей арқасында өрген бұрым,

Шолпысы сылдыр қағып, жүрсе ақырын,

Кәмшат бөрік, ақ тамақ, қара қасты,

Сұлу қыздың көріп пе ең мұндай түрін?-деп келесі кезекті «Бұрымды аруларға» кезек береміз..

Тәрбиеші:

Келесі кезекті Өнге береміз. «МАМА»

3. Бөлім: «Білімдіге дүние –жарық» сұрақ-жауап.

(Жұмбақтарды шешу)

1. «Қабат-қабат қаттама,ақылың болса аттама»(Кітап)
- 2.«Аспаннан домалап, көп моншақ төгіледі.(Жаңбыр)
3. «Асты тас,үсті тас.Ортасында піскен ас» (Нан)

(Логикалық сұрақтар)

1. «Ананың анасы сізге кім болады?» (Нағашы әже)
2. «Анаңның қызы сізге кім болады?» (Өпке,сіңлі)
3. «Апалы-сіңлілінің балалары кім болады?» (Бөле)

Жүргізуші.5.. Аналарымыз бен бүлдіршіндеріміз жеміс жидектерден Дәрумендер жинағын жасайды.

Тәрбиеші:

Байыптасаң өмір мен өнер егіз,

Өн-күй тыңдап рахатқа кенелеміз

Аналар аманатын аман сақтап,

«Ана» деп ән шырқасын балаларымыз.-деп «Ана деп ән салам» әнімен балаларымызды ортаға шақырамыз. Қазылар алқасы өз шешімдерін айтқанша тағы да балаларымыздың әнін тыңдайық.

Хор: «Ана деп ән салам»

Тәрбиеші:

Кімдер жүйрік, өнерпаз білейікші,

Әділқазыларға төрелік берейікші,

Жеңіп шыққан Анамен қызымызға,

Құттықтап сәттілікті тілейікші.

Келесі сөз кезегі әділ қазылар алқасына беріледі.

Сайыскерлерді марапаттау.

Тәрбиеші: Осымен біздің мерекеміз аяқталды. Қымбатты да аяулы аналар! Мерекелеріңіз құтты болсын! Әлемдегі ең сұлу, ең мейірімді, ең қамқор адам осы отырған сіздер- Аналар! Дендеріңіз сау, көңілдеріңіз шат болсын, мәпелеп өсіріп отырған балапандарымыз аман болсын! Әрқашан аман болайық! Сау болыңыздар!

Қорытынды: Сайыс соңында қазылардың шешімімен жұптарға «Асыл ана, Ақылды қыз», «Өрісті ана, Өнерлі қыз», «Шебер ана, Сүйкімді қыз» деген атақтар беріледі.



